



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Tempore, Loco, rationeque[ue] qu[ae]estionum explicandarum. Tit. XVI.

urn:nbn:de:hbz:466:1-11399

sanctos homines decet.

Voracitatem autem, à qua abhorrere debent, cum inde tot tantaque incommoda atque adeo mala existant, vt omnino fugiant; dum vescuntur, mente etiam repetant, vt Angeli & Sancti homines in cœlis diuina pascantur gloria, aliasque sanctas meditationes concipiant, ad eam præsertim attentissimi quæ leguntur. Comestatio denique compotatioque; omnis cum planè sacerdote indigna sit, ante & post item cibum sumptum absit. Si quis contrafecerit, in eum Vicarius grauius animaduertat: eademque pœna afficiatur, quicumque culpæ socius particepsve erit.

DE TEMPORE, LOCO,
rationeque; questionum expli-
candarum.

T I T. X V I.

Cibo sumpto, postquã de more gratiæ Deo actæ sunt, omnes superpelliceis induti, qui officii auctoritate, aut dignitate præditi sunt, suo quem in choro adhibet habitu vestiti, in Ecclesiam; quæ si longius distat, in sacellum; si quæ nullum est, in parochi ædes convenient: vbi (id quod ex decreti prouincialis auctoritate in omni clericali cõuentu seruandum est) statim illam orationem à qua vnusquisque congregationis initium fit, Vicarius deuotè dicet; neque; conuētum dimittet, nisi perorata ab eodem altera eiusdem generis precatione.

Deinde ijs exclusis quos adesse non licet, & Ecclesiæ, lociue vbi conuentus habetur, foribus clausis, suo quique loco non tumultuariè raptimque, sed grauius, ordineque confideant.

Atque ordo qui de hic erit, vt mox infra. Vicarius, aut si hic abest, ille qui pro Vicario est (quia Episcopi vicè gerit) prioraria vbiq; sedem, locumve obtinebit. Proximum locum is, qui præcipuam in capite plebis dignitatem habet.

Huic definitor propè assidebit. Capitulum deinde canonicorum plebis, si collegiatim aderit.

Postea si alius Præpositus, aut Archipresbyter cum capitulo aderit, eius capitulum subsequatur.

Deinceps alius in dignitate constitutus, qui sine capitulo aderit.

Ijs proximi erunt parochi titulares, & Vicarij perpetui: inter quos idem confidendi ordo erit, qui antiquitatis in parochia, quam in ea regione regunt, possessione.

Parochis titularibus proximi erunt qui titulum non habent, eadem ratione; tum coadiutores.

Post hos canonici, qui non collegiatim sed extra ordinem conueniunt.

Deinde Capellani titulares, si modò Sacerdotes sint: & inter hos primo loco se debent, qui beneficii ratione chori officii deuincti sunt, deinceps reliqui eodem ordine omnes, quo ad beneficium peruenerunt.

Post hos erunt Sacerdotes, qui clericatû, aliudve eiusmodi beneficium obtinent. Sequentur Capellani qui titulo carent, eo ordine, quo in sacerdotij, diaconatus, subdiaconatusque gradu constituti sunt. Eademque ratio seruabitur inter clericos inferiorum ordinum, quorum vltimus locus erit.

Externi autem (si quando ijs ad congregationem aditus dabitur) primum locum teneant inter eos, qui eiusdem ordinis dignitatisque sunt. Rector Ecclesiæ vbi conuentus habetur, reliquis omnibus sacerdotibus locum cedit, eosque honore præueniet, vt Apostolus monet.

Si quis in conuentu loco suo non confederit, aut extra ordinem sententiam dixerit, pro culpæ modo plectatur Vicarij arbitrati.

Absint ab omni conuentu ioci, cachinni, scurriliter dicta, rixæ, contentiones, pertinacisve altercationes.

Si fortasse rixæ, contumeliæ, dissidia, conuitiave, aut iniuriæ aliquando oborientur, eos inter quos extiterint, Vicarius adhibitis duobus tribusve aliis de conuentu si opus erit, quamprimum reconciliare studeat.

Nec verò corrigere, multareque; eos prætermittat Vicarius: & præterea illorum nomina idem, aut punctator ad Episcopum deferat, qui pro culpæ grauitate alia pœna arbitrati suo afficiat.

Huic officio si Vicarius aut pñctator defuerit, pœnam ipse luat, qui id agere neglexerit.

QVÆ